

# THE FENS IN EAST-ANGLIA

(van droôgmaeker Cornelis Vermuyden, 1590-1677)

*Dit is 't land van varre  
zien, van wolken en wind  
de mènes in dezen 'oek een  
speère op een schutteldoek*

*Dit is 't land van lappen  
juun mee blaauwe puupen,  
petaoten, plassen suukerpeën  
waer à j' in kan verzupe*

*Dit is 't land van kenalen  
en dulven achter d' 'uzen  
drains, pompen die kloppen  
en maele, dieken en sluzen*

*'Ier stroómt 't brune waeter  
van Earith nae Denver en zo  
varder nae zeeë gestierd van  
Forty Foot tot Popham's Eau*

*Toen nog slikken en veen  
gitzwart, paelik glad  
op de schorren pielen  
aoltied wild op de pad*

*Gebukt over ulder schoppen  
op de vlucht, aerm of gevange  
delven Vlaemiengen en Schotten  
de waeterwegen en de wallen*

*Morren jaeger en visser  
tegen 't droôgmaekersplan  
brullen liek as tijgers dae  
kwam 't vertrampenêre van*

*Het land vogoed droôggeleid  
vo gras, 'aever en vlas vor  
akkerbouwer en bierbrouwer  
vo broôd een pint in een glas*

*Noe roenken d'r trekkers en  
rooimachines, wor iedere roeë  
besproeid en uutgenut: elk  
gemet gewas laete ze bevlouie*

*Den kwaaien beêste Kees beroemd  
nier in den adelstand verhere,  
begrave bie Westminster as  
Sir, op Tholen al lank vergete*

Arie de Viet

(eerder gepubliceerd in Noe, vojaer 2005).



